

人海記



092266

人海記卷下

海昌查慎行梅餘編輯

同邑張士寬柔之校刊

滋陽祀宗聖

兗州滋陽縣儒學祀宗聖顏子之神與天下不

同 陋巷志

李襄敏詩兆

土木之難李襄敏 秉從征脫歸進戶部主事夜

夢作詩送楊鴻臚迎駕其詩曰天恩寵渥作鹽

人海記

卷下

梅迎復君王出紫臺羣虜潛踪歸朔漠六龍回

駕入蓬萊明日以語同官明年事驗

御史乘轎

御史出巡舊騎馬後乘輿不知起於何時當是

成化以後事浙江有舉子王化大帽見按臺某

按呵之間所從起對曰即起於大人乘轎之年

朱良育

吳縣朱良育積學不第膺歲貢子鴻成進士官

主事貶封不受竟以明經沒

余有丁

鄞縣余相國文敏有丁父永麟幼喪父育於小江里余氏後鄉舉歷蘇州通判生文敏既貴嘗贈三代不知所自出不得已贈永麟所後父爨及爨父鏜而命子孫家祭則自蘇州公始文敏少從其父官蘇州慕崑山歸有光名將師之不果嘉靖乙丑文敏以編修分闈拔有光第二

戚少保祠

戚少保

繼光

鎮薊門駐三屯營最久經畫周詳

人海記

卷下

二

歿後有祠總兵尤繼先到任不拜祠除夕公庫災獨題梁及銀牌存題梁年月少保所書繼先歎戚公神人也刑牲以祭

唐文恪諡

上海唐抑所文獻先生諡文恪易名之典仍犯其名何也宜如陳莊靖文之例易之

吳文定格言

嘉善錢龍門初入翰林崇仁吳相國文定道南語之曰若初到衙門須記三事不擬試題不受

明生不出游庶保名節

宋相國氣象

嘉善丁清惠公與烏程朱平涵相國善謂其居

台鼎猶秀才氣象

朱名國楨

偽書

明初朝鮮國王獻顏子以偽書卻之按古偽書不一而足如毛漸偽三墳張昇偽元命苞孫定偽關尹子阮逸偽元經宋咸偽孔叢子戴師愈偽麻衣子袁康偽吳越春秋明崑山王逢年偽

人海記

卷下

三

天祿閣外史海鹽姚士彝偽於陵子皆不滿識者一噓也

雲麾將軍碑

萬曆六年河南李蔭宰宛平構小齋發礎得唐李邕雲麾將軍碑云碑石燕沒良鄉驛舍裂爲柱礎蔭鞏邑署名其齋爲古墨可辨者百八十九字首篆存唐故雲三字

宋潛溪集

宋學士潛溪前後集元季已盛行於世入明朝

劉伯溫選定爲文粹十卷門人方孝孺鄭濟等
又選續文粹十卷皆方孝孺與同門劉綱林靜
□連手自繕寫刊於義門書塾常熟錢牧齋宗
伯曾於內閣見之方孝孺姓名皆用墨塗乙蓋
遵革除舊禁也

鄭所南心史

鄭所南心史崇禎戊寅十一月八日蘇州承天
寺君慧上人浚習井得鐵函重櫝外標大宋鐵
函經內書大宋孤臣鄭思肖百拜頓首封自元
人海記

卷下

四

世祖癸未曆三百五十六年其書始見於世其
精氣自不可磨滅也朱竹垞云此是僞託不知
何據

空同刻淵明集

李空同刻淵明集盡去評註曰青黃者木災太
羹之味豈羣口所嚙哉

國朝人物編

江都葛澗子常好積書撰國朝人物編自洪武
迄嘉靖數百卷人爲列傳甚悉年七十餘卒友

人私謚爲正先生今其對不可得見

毀論一炬

王元美所著讀書後四本捐館後公子吏部士

繫於貨郎擔中重得刻以行世又有毀論十本

係先生手書無副本錢牧齋宗伯乞於吏部秘

不示人辛卯九月燔於絳雲樓之一炬惜哉

刊史糜金

新建張洪陽位司業刊二十一史於北雍糜工

部六萬金有奇見李湘洲集

人海記

卷下

五

明雋

濮州李尙寶先芳選明朝燕趙秦晉齊魯河洛

淮揚藩邸之詩附以蜀曰明雋吳越荆楚不與

焉東阿于文定慎行序曰自二南以下十五國

風皆江以北地降而春秋吳越之歌吟乃出降

而戰國荆楚之騷賦始傳故江以南之聲則歌

吟騷賦之流而風之餘也非始音也原音之始

以北先也

陳文憲正史

南充陳文憲于陞當國時修正史列聖本紀皇

后本紀建文景泰以實錄附載而不作紀郊祀

廟祀典禮樂律天文歷法宗藩學校選舉經籍

職官賦役貨幣漕運河渠鹽法軍制馬政刑法

郡國九邊凡二十二志揚徐滁陽三王高祖之

十七藩成祖之二藩仁宗英宗各四藩憲宗之

三藩外戚洪武之功臣諸臣建文諸臣永樂之

功臣諸臣洪宣諸臣正統天順景泰諸臣成化

宏治諸臣正德諸臣嘉靖諸臣隆慶諸臣又理

人海記

卷下

六

學文苑循吏高逸節孝亂逆權倖方技四夷列
傳二十六紀志粗畢擬草列傳丁酉三殿災輟
業南充卒四明沈相國殊不以爲意非其始議
也書竟不成

西泠社事

西泠社事起萬曆丙戌八月時歛縣汪伯玉鄞
縣屠長卿輩集西湖之淨慈寺地主則仁和卓
明卿餘杭徐桂

陳植之佳句

杭州布衣陳植之業醫苦吟好學其五言佳句如疎鐘四壁靜微雨一燈明移花春徑雨看竹午窗風絕似中唐風格惜全章散佚不傳周青士所記尙多偶錄此

嘉靖諸公掠美

洪武開國事略本湖廣行都司經歷蔡于壁龍飛記略卓氏藻林本吳興王氏所輯嘉靖以來諸公掠美者頗多

藏書之厄

人海記

卷下

七

藏書之厄如浦江鄭氏八萬卷燬於火義烏虞守愚侍郎德燧參政父子築樓藏書萬卷署曰樓不延客書不借人後蘭溪胡孝廉應麟賤直得之隨亦散佚太倉王弇州書最富再傳而失開封中尉陸樞之萬卷堂會稽鈕氏之萬卷樓吾鄉祝侍郎耳劉之萬古樓武原駱侍御駿曾平湖馮孝廉茂遠常熟錢宗伯牧齋并流散則灰燼矣後編古說老散書與說故云蕩子嬰

婦老妻亦一蓮也

牧齋明史

錢牧齋撰明史共二百五十卷辛卯九月晦甫
畢越後日絳雲樓火作見朱衣人無數出入煙
焰中隻字不存

黃石齋著纂

黃石齋先生著孝經集傳又奉命纂洪範明義
四卷戊寅謫官卽進呈云臣考篇中有錯簡者
三訛字者三錯簡如五紀三德敷言錯而在後
威福建極敷言錯而在前訛字如晨爲農式爲

人海記

卷下

八

武極爲極之類皆伏鬼之所不稽鄭孔之所未
說宋元諸儒稍發其端明興諸儒未竟厥緒云
云

程奎絕句

崇禎癸未楚撫宋一鶴敗沒妾金陵陳氏色藝
兩絕爲門客王屋所聘貴陽謝參政上選先娶
致訟新安程奎戲作絕句云歌舞叢中度歲華
一朝忽散抱琵琶前身定是烏衣燕不入王家

卽謝家

盧岐疑引典

長泰盧岐嶷嘉靖甲辰進士終貴州按察使初爲郎與汪道昆同舍時有餽汪脂香油阜者汪徵故實盧曰唐人謝賜口脂豆澡此二物也宴席有御糖汪復問於古云何盧曰漢光武禁狼糖不許高大此是已

李空同文

李空同作文凡地名官銜俱因時制不用古名

元字避諱

人海記

卷下

九

江陰李戒庵漫筆先世分關中寫吳原年洪武原年俱不用元字想國初惡勝國之號故民間相習如此按元字避御諱元璋戒庵誤矣

陳張後裔

陳友諒後裔爲沔陽柯氏馬氏與部曲談王吳三家逋居興國大冶瑞昌界中張士誠後裔爲章邱李氏初敗時乳母攜幼子而逃冒姓李

鐵券

鐵券分三等國公式二其一高一尺博尺有六

寸五分次高九寸五分博尺有六寸俟式三其一高九寸博尺有五寸五分次高八寸五分博同上又次高八寸博尺有四寸五分伯式二其一高七寸五分博尺有三寸五分次高六寸五分博尺有二寸五分

明制宮銜

明制文臣宮銜支俸勳戚宮銜不支俸

外國詔敕

外國詔敕事竣使臣上其筒禮部轉繳內府不

人海記

卷下

十

許損壞

選察之首

御史聽選聽察首浙江道內計掌察則河南道蓋明初首下浙江先設官洪武元年詔開封爲北京示重也名勝志云北宋以河南爲京畿道故寰宇記首列河南南宋以臨安爲京畿道故紀勝要覽首列浙江明朝蓋兩沿宋制此說非也

籍

凡古籍者自軍匠民寵商外有儒籍官籍御醫籍先賢籍正德庚辰吾宗常熟派穹隆公應兆
孫和鑿籍登第宗禎丁丑進士四川某齒錄書儒籍以祖父三世皆教職也

學宮易主

洪武十四年二月建太學自孔子以下皆撤像設神位外學仍如舊至嘉靖九年天下學宮始撤像易主

征南將軍印

人海記

卷下

十一

征南將軍印沐氏鎮雲南世佩之其印不全用量事大小或用一角或半角蠻人奉如尺一

城門禁出樞

南京洪武朝陽太平三門禁出樞魏國公家葬鍾山許太平門例出

入城治喪

從來棺柩止有出城者故旅櫬還鄉率停於墓康熙乙丑崇明相國宋文恪薨於京師奉旨馳驛差官送歸公子扶柩入蘇州府城里第治

喪此變例也

宋景濂遷葬

宋景濂先生以洪武十四年辛酉卒於貶所葬夔州蓮花峯下越三十三年永樂癸巳十二月二十七日蜀獻王遷葬於成都之華陽安養鄉又七十二年成化己巳十二月十三日蜀惠王改葬錦城迎暉門外

文臣封贈

明初文臣多不得封贈贈父母及妻始於永樂人海記

卷下

七

十年然其時亦僅八人西楊勒石以垂後

京師提學

京師省設提學憲臣始正統元年五月命於二月八日兼督民間栽種桑棗先是守令提調諸生孟月試經義仲月論表季月策皆在學舍今之觀風季試其遺制也

宗伯出身

明朝大宗伯不從翰林出身者凡三人錢塘楊

寧

正統乙巳

遂寧席書

嘉靖甲辰

嘉定徐學謨

萬曆庚辰

雖起

魯曹然皆進士出身向例禮部堂屬未有用孝廉者康熙壬辰吾邑陳實齋說由司空調宗伯一時以爲盛事陳王子乙榜也

景皇帝園

景皇帝園不稱陵在金山上距西山不十里陵前坎陷樹多白楊及椿合三四人抱高可二十丈

建文帝葬處

建文帝葬處距景帝園不遠石碑題曰天下大

人海記

卷下

十三

法師之墓按楊士聰玉堂薈記駙馬都尉鞏永固請追諡稱皇帝上語輔臣曰建文無墓何憑追復尊號惜當時無據此以對者

漕船額數

景泰以前漕船無定數天順後定船一萬一千七百七十五隻官軍十二萬一千五百餘員名至崇禎中額船一萬二千一百四十三隻米四百萬石每舟正米三百三十石每百石加耗米九石八斗又月糧四十金行糧十六金 浙江

舊額二千四十六隻糧四十萬石 江南舊額
各衛共四千四百五十九隻俱清江浦提舉司
所造

南京貢船

南京貢船共一百六十六隻龍衣船不與焉又
兵部馬快船六百隻俱供進貢

白糧

明朝民運白糧惟蘇州松江常州嘉興湖州五
府有之共船五百六十七隻

人海記

卷下

十四

松江細布

成化間松江人以布餉貴近流聞禁廷下司府
織造赭黃大紅真紫等色龍鳳斗牛麒麟等紋
工作胥吏因緣爲奸一匹有費白金百兩者孝
宗在東宮知其弊卽位首罷之常閱內帑見之
曰此布一匹文綺十匹價也終身不一御自是
遂絕

松江布輪京

松江細布歲輸京十二萬三千八百六十四華

亭六萬五千一百匹有奇上海四萬二千七百
二十匹有奇青浦二萬三千四十匹有奇萬歷
初加八千匹

誥命移贈

宏治十一年大學士謝遷言臣祖榮任福建布
政司都事例不得封乞以己得誥命移贈上並
予之天啓初太子太保吏部尙書張問達言臣
父某任四川眉州判官坐劾奪職臣令濰縣復
冠帶不得封今乞恩命許之

人海記

卷下

五

閣臣賜蟒

閣臣賜蟒服始宏治十五年十二月乙巳

北京宮殿災

北京宮殿遇災凡九永樂辛丑四月庚子三殿
災壬寅閏十二月戊寅乾清宮災宏治戊午十
月甲戌坤寧宮災正德甲戌正月庚辰乾清宮
災嘉靖辛丑四月辛酉九廟災丁巳四月丙申
三殿災及文武樓奉天左順右順午門災辛酉
十一月辛亥萬壽宮災萬歷丙申三月乙亥乾

清坤寧宮災丁酉六月戊寅三殿災

祖宗御容

嘉靖時祖宗御容藏永孝景神三殿

暹羅貢白象

嘉靖癸丑暹羅國貢白象道斃使者以珠寶飾牙置金盤中并獻象尾

朱文恪臚傳

秀水朱文恪公萬曆癸未進士第一臚傳日文恪父太醫院使東山緋服侍班 乙未以修撰

人海記

卷下

六

朱國祚爲司經局洗馬故事鼎元無任洗馬者八月充皇太子侍班尋清理貼黃靖難功臣舊署奉天征討文恪曰文皇不得已值此奈何以同姓加征討名悉改靖難

傳戴煖耳

每年十一月朔傳戴煖耳百官傳衣不謝傳煖耳獨謝

韓城坐贓

韓城薛相國國觀不良死坐贓五萬籍其家財

六百元所居廳事三間共室四進並世產也惟好使氣故鄉人不附朱右君述霍魯齊語

燈市

燈市舊在內城東華門外今移正陽門外靈佑宮旁至期結蓆舍懸燈高下聽游人晝觀蓋京師坊巷元夕不放燈也

磁瓶二百金

大內牡丹盛開神廟思以磁瓶貯之偶江陰民有一均州瓶高數尺許欲得十金或笑之忽內

人海記

卷下

十七

臣覓進上喜問價幾何奏曰二百金上諭先給百金如未肯再給五十金

殯殿九蓮

神宗侍皇太后最恭篤萬厯丙戌梓宮殯殿產蓮花九枝故後稱九蓮菩薩閣臣申時行許國王錫爵皆有瑞蓮賦

武舉議

明初武職多拔於勳胄後乃開保舉將材之例往往循名而不責實華容劉忠宣爲大司空始

議行武舉疏請仿唐宋故事每遇文舉鄉試之年亦將武舉預期行移各省試可取者送兵部會萃數目請於次年四月開科初較騎射以發十矢中三矢以上者爲合式次較步射發九矢中三矢以上者爲合式三試策二道論一篇優者列職推授若非全材則斥而不用

元大內

元張中丞養浩歸田類稿有登憫忠閣詩自註云北三十里爲大內虞文靖集作楊襄敏碑云

人海記

卷下

大

至元某年始大城京師於大興故城之北中爲天子之宮廟社朝市各以其位而貴戚功臣悉受分地以爲第宅然則元之大內在今地壇之右矣當時構李願淵白獻燕都賦寧海李侗孫有大都賦惜皆佚不傳也

興隆寺八景

興隆寺有八景宏正間都下諸公賦詩成卷馬東田和之復爲跋尾今詢之寺僧罕有知者

北方山藥

北方山藥產於采育者爲天下最嘗於朱竹垞
檢討席間食之眞瓊糜也

大房牡丹

大房山僧多植牡丹其色有大紅淺綠二種
奇

宣德紙

宣德紙有黃箋有綿料邊有宣德五年造素馨
紙印又有白箋灑金箋五色粉箋金花五色箋
五色大簾紙磁青紙以陳青款爲第一

人海記

卷下

九

千葉杏

元方輿勝覽大興府載佛寺三十八區中有海
雲寺元時有千葉杏二株名芙蓉杏傅巖起在
京師築清晏堂以此花置瓶中錢塘張叔夏見
之稱其奇麗可觀江南所無巖起索叔夏賦之
爲填三株媚詞海雲寺今失其處故老蔑有知
之者

阜城門西寺觀

出阜城門西行三里許有報恩寺又西三里爲

靈佑觀又西爲廣福寺又西爲嘉祥觀又西爲元應觀入八里莊堡爲摩訶庵又西爲永慶寺又西爲慈壽寺又西爲元福宮嘉祥觀多松入門二株尤秀潤摩訶前殿有碑二碑文左爲銘山費尙書宏撰右爲華亭孫尙書承恩撰俱嘉靖二十七年立殿後右廂有竹一叢院中雜蒔草花堂懸萬物育三字墨跡上用恭穆獻皇帝睿筆璽下有嘉靖年製小印堂後松二株高出殿脊其後則中宮趙政墓也元福宮建於正德

人海記

卷下

二十

五年至天啓五年重修中有蒼松四最奇古後殿三清六眞像皆范銅爲之配殿文昌與夾侍童子亦銅僮旁鑄一騾銅質光潤絕似宣德鑿金熏鑪色殿前後凡四碑一仆爲人磨去止有中書舍人袁志學一碑崇禎元年所立也

興勝寺

興勝寺去摩訶菴二里許土人目爲松林今松無復存者萬厯中所建後有藏經閣可眺西山東北有果園園中有亭曰眾芳亭北砌石爲流

觴曲水其東有閣曰明遠春月桃李雜發登閣望之不異錦城花海也

阮大鍼暴死

阮大鍼降時 本朝兵方下浙東儼然以福建巡撫爲掌握中物隨征南行至仙霞關暴死其僕下嶺求棺不得時天氣炎熱三日後乃得門扉一扇募土人舁下山則尸骸悉潰爛蟲出矣草草薄殮不知埋骨何地無子絕祀

馬士英伏誅

人海記

卷下

三

馬士英自南都逃至紹興府入方國安營旣而阮大鍼亦至 本朝兵渡江士英國安走台州大鍼迎降錄用降官奉有阮大鍼投誠獨早之旨以軍前內院隨征急招士英及方逢年方國安等出降時唐王改元於延平士英心懷首鼠密表通軍中消息及 本朝兵下仙霞關唐王倉卒出奔書損委棄道路員勒於亂籍中得士英表大怒以洩漏軍機與二方同日處斬懸其頭於黯淡灘而去時錢西頑先生在福建親

見之

南渡三疑案

南渡立國有三疑案甲申十二月有僧大悲蹤跡頗異至石城門爲邏者所執詔府部科道法司會審據供稱先帝時封齊王以崇禎十五年渡江其語似顛似狂詞連申紹芳錢謙益於是阮大鍼楊維垣等令張孫振窮治之欲借此以羅織清流造爲五十三參十八羅漢之名如徐石麒徐汧陳子龍祁彪佳等東林復社計一網

人海記

卷下

三

盡之孫振審詞云大悲本是神棍故作風顛主使實繁有徒陰提線索語多挑激上怒而上意不欲深究御史高允茲上疏解之申錢各具疏辯馬士英遂不窮其事以宏光二年三月棄大悲於市時又有童妃及北來太子二案真僞莫辨上初封德昌郡王娶黃氏早薨繼李氏再繼童氏封王妃生子不育洛陽陷逃民間與上相失太妃及童氏各依人自活太妃之南也巡按御史陳潛夫奏妃故在上不問至是自詣巡撫

越其杰所具陳本末廣昌伯劉良佐以儀衛送至都上大愠下鎮撫拷問妃在獄細書入宮月日及相離情事云以某月日城陷爭出宮妾具饌奉帕裹上頭踰牆而逃求馮宗可爲之轉達上棄去弗視命屈尙忠加酷刑妃號呼詛罵尋瘐死獄中或云在獄未死南京陷不知所之言童氏周府宮人逃亂至尉氏遇上旅邸相依生一子已六歲上南奔各不相顧氏遂委身民間馬士英勸上迎入宮不聽劉良佐奏童氏實

人海記

卷下

三

非假冒懇賜曲全上諭童氏妖婦冒朕結髮宮闈風化所關豈容闖入法司卽示情節以息羣疑覽上諭但斥其結髮則爲繼妃無疑馬士英據外訛傳謂逆旅生子已六歲勸上迎致此語大妄不思洛陽之陷在崇禎十四年辛巳正月距甲申纔四年耳安得有六歲子哉宜上之不聽也至大悲事跡始終不明旣入獄受當事意旨不得不託風顛意其招詞必有駭聽之語故急誅之以安反側耳不然阮大鍼方欲快心於

東林豈紹芳謙益一辯疏可免士英何所畏忌
勸令中止上意復何顧惜不欲深究其中顛末
朝臣固不能知也初福世子歿德昌郡王以次
當立士英撫鳳陽時有以居民藏王印首者取
視則福王印也詢其人云有負博進者持以質
錢士英因物色之上與士英初不相識但據王
印所在以爲真世子甲申國變後南都方議所
立士英遽從外擁戴福王以爲己功大悲者或
云齊庶宗士英之不肯窮治或止知德昌之當
爲福世子猶未能實信上之果爲德昌也上之
不欲深究亦有自知之明耶童妃但知德昌卽
位故詣闕求見而不知今日之德昌非昔日之
德昌也大悲但知福王世子應屬德昌而不知
上之業已爲德昌也童氏旣下獄自言失身之
婦無敢復生非望但求一覩天顏歸死掖庭夫
童氏陳情愈切則天顏愈遠何不求見太妃召
入永巷面訊之也童氏旣不容見則大悲之死
固其所矣 烈皇帝殉國或傳太子匿太監曹

化淳家爲嘉定侯周某出首或云被脅東出幕於三河所傳不一宏光改元有少年至畱都自稱故太子也時馬士英未敢決以爲僞但設三疑端以迎合上意而首斥其僞者王鐸也鐸不過欲效雋不疑以自附通經足用者耳至於方拱乾辨認面質其僞反滋人疑拱乾是時方從北來挂名從賊之案待命吳門一旦召之入都還其原官許其湔雪有不奉馬阮之意旨者乎拱乾舊爲太子講官考東宮出閣去乙酉無幾

人海記

卷下

三五

時豈有少年於眾中望見拱乾卽指彼髯者呼爲方先生而東宮面貌拱乾反不識耶果其僞也一見立辨卽宜叱下如雋不疑叱收僞衛太子事豈不直捷乃漫不置一語願以講讀時瑣事爲問蓋當時講官止拱乾一人在列旁無一人爲之證佐卽少年所答盡是拱乾盡以爲非誰從質耶及再審時置禁城圖於前指宮殿名目及帝后所御居無一差謬士英初令大瑞盧九德及舊東宮內臣於城外僻處以先帝並永

定二王庚甲及宮庭制度詰之無不熟悉於是
鞠問計窮楊維垣乃颺言於朝曰駙馬都尉王
昺姪孫王之明貌類太子固悉宮中事士英以
其言入奏從此遂稱爲王之明維垣以逆案廢
錮十七年餘宮闈親密何由知悉而此說獨出
於其口聞維垣颺言時亦祇係揣度之辭後遂
據爲定案時江督袁繼咸楚撫何騰蛟皆有疏
力爭上雖曉諭再三人不見信也 本朝兵下
南都豫王命少年坐聖安上攜以北去不知存
亡 桐城錢飲光熟於南都後事余嘗詢之先
生曰大悲本末不可知而決爲中州之郡王也
童如出身不可考而決爲德昌之故妃也少年
之爲東宮不可信而信其決非王之明也先生
有傳疑詩三首載田間集中

廷杖

廷杖之制最損國體然成化間言官受杖者許
用綿紙衣蓋其下體故杖而不傷其膚第撻之
於朝而已不欲死之也自正德時劉瑾用事始

去衣自後受杖者多不免矣宏治以前詔獄之
旨惟叛逆妖言強盜則云好生打著問喇虎殺
人則云打著問其餘常犯送鎮撫司問鎮撫奏
送法司議罪中間情罪重者始有來說之旨部
寺覆奏始有降調之旨至嘉靖中一概打問無
復低昂林貞肅公俊致仕後曾建白此事世廟
下其章所司竟不行當時首被其禍者先京兆
也

劉李量狹

人海記

卷下

三七

劉文靖

健

以程篁墩

敏政

短其不能詩銜之釀

成廷鞫之獄李文達

賢

賺葉文莊

盛

也亦以疵

其詩文之故二公賢相也其器量狹小乃爾

顧東江楹帖

顧東江楹帖云才美如周公且著不得半點驕
事親若曾子與纔成得一箇可

殿試不黜落

宋朝舊制殿試皆有黜落臨時取旨或三人取
一或二人取一或三人取二故有累經省試取

中屢見擯於殿試者張元遂以積忿降元昊爲
中國之患於是羣臣建議歸罪於殿試黜落嘉
祐二年三月辛巳詔進士與殿試皆不黜落迄
今永爲定例

諡文

相傳明制自翰林出身始諡爲文細考之亦不
盡然曾榮襄榮馬襄敏敏俱廷試第一人內翰
而不諡文魏文靖驥吳文恪誦葉文莊盛邵文
敏濟儲文懿瓘邵文莊寶楊文恪廉姚文敏夔

人海記

卷下

五

王文莊鴻儒何文肅喬新非翰林而皆得諡文
此例當定於隆萬以後

明初文臣無諡

明初文臣無諡劉文成基宋文憲濂宋文恪誦
朱文恪善咸請之康陵王忠文禕請之裕陵姚
廣孝之諡恭靖胡廣之諡文穆則自永樂年始

李林甫

李林甫之奸竟得善終乃於身後屢被天譴元
和中惠州一娼震死朱書其脇曰李林甫宋紹

興中漢陽蔡氏女被雷震死亦有文曰唐相李
林甫明洪武間吳山陸允誠家烹雞背有李林
甫三字宛然蓋已墮畜生道矣續問奇類林

元祐黨籍

粵西七星巖洞壁上舊刻元祐黨籍姓名明宏
正間有欲琢去者時巡按某公謂不若留示千
古至今尙存

清慎勤

康熙二十年 御書清慎勤三字徧賜中外衙

人海記

卷下

三

門按呂舍人官箴當官之法有三曰清曰慎曰
勤其道出王隱晉書又李康答司馬文正之問
有官長當慎當清當勤修此三者何患不治云
云

強景明詩

正德間朝議欲起三原王端毅公恕汝南強景
明寄詩云八十耆年二品官歸來清節雪霜寒
雖然海內歸心在無奈君前下拜難鷗鷺恐疑
威鳳起風雲長護老龍蟠三公事業三槐傳畱

取完名久遠看公得詩竟不起又李文正

東陽

當國日久有士人投詩云才名直與斗山齊件
食中書日又西回首湘江春草綠鷓鴣啼罷子
規啼李得詩一笑而已

張子醕

宏治朝張少參子醕繼孟嘗言作人須要有趣

對俗人嗒焉一語遇學士大夫有道術者與之
談說名理揚摧風雅娓娓不倦令人灑然不能
遽別一時前輩如西涯相國蒲汀尚書皆海內

人海記

卷下

三

重望每聯輿過訪張或畱坐所供脫粟之飯間
出蔬果杯酒三五巡卽止諸老自公第出輒相
謂曰吾儕過張子醕一飯勝倍別家盛筵矣

奏草母多母文

正德中韓尙書文欲攻劉瑾屬李夢陽具奏草

謂之曰母文文覽弗省也母多多覽弗竟也此
言極中入告之窾

胡廣有愧科名

建文二年廷試擢王艮狀元嫌其貌寢抑置第

二而以胡廣易之及靖難師至金陵廣與翰林周公是修刻期約同死周既自經胡負約與金幼孜解縉等迎降良後竟死節若廣所謂有愧科名者也

判葬再嫁婦

明末華亭有嫠婦棄其孤兒再嫁富室又生子及其死也前夫之子爭葬之質之縣令縣令判其屍曰生前再醮已無戀子之心死後歸墳難見先夫之面

人海記

卷下

三十一

掌計不修怨

先京兆公爲諫垣以糾分宜謫官分宜敗後起官歷文選正郎在吏部凡三掌大計嘗貽書於廬州公曰吾掌選九年未嘗修怨報復一人爲汝等也親筆書余不及見先君子嘗爲小子言之

卻餽茶葉

鄭端簡公陝官文選時里中仕宦有餽金首飾者承筐而以茗覆其上直以爲茗也受之其夫

人手撥若知之面頸發赤亟傳柝請公入以語
公公不動聲色第令覆茗如初徐出召其人還
謂曰吾初以家適乏茗故拜君惠頃入內詢之
家尚有餘茗心謝尊意不敢當也遂令持歸

麥精畱客

董大參樸成進士後差過華容時劉忠宣公大
夏宅憂在里造謁焉忠宣畱之飯飯麥精饌惟
糲銀一器董感省終身持雅操

明武宗祭文

人海記

卷下

三

明武宗御祭元輔靳文康貴文朕在東宮先生
爲傅朕登九五先生爲輔朕今南巡先生已矣
嗚呼哀哉語簡而意備按裴晉公自爲誌銘云
裴子爲子之道備存於家牒爲臣之道備存於
國史體裁略同

內侍讀書識字

洪武舊制內侍不許讀書識字至宣德朝始以
翰林官教讀內侍監其後司禮遂有秉筆太監
一代弊政實宣廟啓之也

州縣戒石文

今州縣戒石爾俸爾祿民膏民脂下民易虐上
天難欺四語乃宋太宗語書以賜郡國立於廳
事之南者按成都人景煥所著野人閒話其首
篇載蜀主孟昶爲文頒諸邑云朕念赤子旰食
宵衣言之令長撫養惠綏政成三異道在七絲
驅雞爲理畱犢爲規寬猛得所風俗可移無令
侵削無使瘡痍下民易虐上天難欺賦輿是切
軍國是資朕之賞罪固不踰時爾俸爾祿民膏
民脂爲民父母莫不仁慈勉爾爲戒深體朕思
凡二十四句

世宗忘刻石之言

明世宗初志華亭石刻南雍曰徐階小人永不
敘用後分宜得罪遂大用直至首揆眷注極寵
渥刻石之言始忘之矣

一榜三忠臣

宏治五年吾浙鄉榜胡世寧孫燧王守仁三人
同舉是年場中見三巨人後宸濠之變胡發其

奸孫以巡撫死難平其亂者文成也三忠臣共成一事豈非前定因記宋寶祐四年登科錄第一甲一名文天祥字宋瑞小名雲孫小字從龍年二十第二甲一名謝枋得字君直小名鐘小字君和年三十第二甲二十七名陸秀夫字君實年十九是榜三忠臣死宋乃皆少年尤奇

天子作臣下碑

天子爲其下作碑者唐太宗爲魏徵高宗爲李勣元宗爲張說德宗爲段秀實宋太宗爲趙普仁宗爲李用和神宗爲韓琦明太祖爲徐達太宗爲姚廣孝孝宗爲張巒

御史言事關白

六部司屬皆書本部而都察院各道則直書道銜而不繫於院初謂各道得自彈事於院不相關白也按歐陽公歸田錄云御史臺故事三院御史言事必先白中丞殆非唐故事劉子儀爲中丞始榜臺中今後御史有言不必先白中丞考唐時李承嘉爲御史大夫召諸御史責曰近

日御史言事不啻大夫禮乎蕭至忠答曰故事臺中無長官御史人君耳目比肩事主得自彈事不相關白若先白大夫而許彈事如彈大夫不知當白誰也李無以屈今之御史條陳事宜無不承總憲風旨者失立官初意矣

左良玉犯關

左寧南初畏流寇張獻忠之鋒避居九江遊擊胡以寧鉤致之遂任軍關廂一年巡道葉士彥以大義諷之仍返武昌乙酉南京立國監軍御

人海記

卷下

三五

史黃澍與士英構隙僞傳邸報藏太子詔召良玉入清君側澍愆怒之遂挾楚督袁繼咸自武昌東下三月二十七日至九江繼咸標將郝二所統與左營相連四月初四日大肆焚掠良玉氣塞而死

楊顧二張交情

常熟楊子常家富於財初無文采而好交結文士與太倉顧麟士婁東二張友善以此有名諸生間初與同志數人爲應社其後二張名驟盛

交益廣乃改名爲復社宏獎風流幾於奔走天下而與楊顧交始終不渝前輩之厚道如此

楊琳

楊琳者四川人舊以小吏給事張獻忠左右本朝順治末年隨孫可望降初授太倉州判陞吾郡臨安知縣嘗與人言獻忠破開封獲福王醢其肉雜鹿肉煮之以分餉將士名爲福祿羹

上羨金

萬曆中無錫葉工部茂才參之權關蕪湖已事人海記
卷下
三
上羨金數千奏曰久旱而得通故有羨金請不爲例且進羨非臣志也神宗賜白金松布以旌之後官至南少司空

廠衛

衛與廠之設皆起永樂中其時事權盡歸閣部間有所監督收考則付之廠衛後二百年閣與衛皆廢之私人衛附廠以尊而閣又附衛以重清流之禍慘烈爲前古所無 本朝順治初年議復設廠北平張國獻時在垣中上疏極論其

弊事乃寢真定梁相國云

安慶設巡撫

安慶設巡撫起於崇禎初年用歸安沈司寇演之議也

請建四輔

天啓三年遼東失守吳門申司馬用懋時爲南太常上言請建四輔以鞏神京東南建城於通州高米店之間爲左輔西南建城於良鄉蘆溝之間爲右輔西北建城於鞏華城功德寺之間爲右輔東北建城於密雲順義之間爲左輔敵由東北入左輔出兵以扼其衝而右輔從左左輔從右各出兵夾擊如假道三衛右輔出兵以扼其後而左輔從左右輔從右分兵追襲如直薄都城下則京營堅壁各守無輕出擊四輔各設長圍以坐困之疏上不報

王元翰

王元翰滇之臨安人以萬曆辛丑舉進士時四明當國喜王之出其門而王之心弗與也由庶

吉士出爲工科給事中抗章首劾四明次及紹興晉江以湔除其衣鉢三公皆相繼引去其黨嗾御史鄭繼芳發難報復糾王巡視厰庫姦賊以鉅萬計王盡出其篋衍昇置國門縱吏士簡括罄身辭去漂泊東南不得還滇崇禎癸酉七月死於南都客舍貧無爲殮冤狀始白

典試迴避本省

明制翰林典試初無迴避本省之例嘉靖癸卯無錫華子潛察以編修爲江南主考是科瞿文

人海記

卷下

三

謔公景清

以易經中式後三年丙午典江南試

者卽瞿也至辛酉江南鄉試無錫吳編修情爲

主考同邑得雋者共十三人物議沸騰爲言路所劾於是始定例本省人不得爲主考載錢吉士同文錄批語中

貝勒

葉赫國始祖係蒙古人姓土默特初滅扈倫國

所居張地之納喇部一名納蘭遂據其地因姓納喇

後遷於葉赫河崖建國始祖名星根達爾漢生

子席爾克明噶圖席爾克明噶圖生子齊爾噶
尼齊爾噶尼生褚孔格褚孔格生太褚太褚生
二子一清家努一楊家努兄弟各居一城哈達
國人多歸之兄弟遂皆稱貝勒萬曆十二年甲
申寧遠伯李成梁以賜敕賞賚爲名誘清家努
兄弟至開原繫漢壽亭侯廟中並從兵三百皆
殺之清家努之子曰寨布爲輔臣蘇克薩哈之
祖楊家努二子長名納林布祿其弟金台石相
繼爲貝勒卽今相國明珠之祖也與滿洲世爲
人海記

卷下

三九

婚媾後滿洲強盛始爲屬國

蒙古土語

蒙古土語呼白爲察漢頭爲托羅漢一爲千七
漢木爲母多自宣府西至喀爾喀所經之地有
白蚤一木兩地名

修齋

康熙癸酉五月 上違豫京師爲修齋禱禳之
會初自諸王滿洲大臣行之旣而漢中堂九卿
下至五城司坊大小臣工富商大賈莫不效尤

或三晝夜或七晝夜或九晝夜各於就近寺觀設壇焚青詞以禱皇城內外緇素黃冠奔走道路日不暇給自五月二十三日起至六月終乃止

吏部選郎變例

吏部選郎例從本部歷俸而至故副郎主事率皆後輩康熙三十四年六月德清談未庵以事去特旨選用五部進士出身者秀水袁靜公由戶部正郎調掌選在衙門爲後進未到任前人海記

卷下

罕

投同司副郎主事俱稱晚生亦變例也

北京廊房

永樂初北京四門鐘鼓樓等處各蓋鋪房店房召民居住召商居貨總謂之廊房禡衝僻分三等納鈔若干貫洪武錢若干文選廊房內居民之有力者一人簽爲廊頭計應納錢鈔歛銀收買本色解內府天財庫交納以備宴賞支用今正陽門外廊房衙衙猶仍此名

宮莊子粒

明朝有宮莊屬慈慶慈寧乾清三宮取歷朝以來各府州縣沒官田地子粒徵銀濟邊而以其餘繫之進宮項下備給賞之用謂之三宮子粒著爲令甲刊之上供正額沈榜宛署雜記

嬭子府

東安門外稱北有禮儀房乃選養嬭口以候內廷宣召之所一曰嬭子府隸錦衣衛其制每季精選各里良家婦年十五以上二十以下四名養之內曰坐季嬭口別選八十名藉於官曰

人海記

卷下

聖

點卯嬭口季終則更之每遇不時宣取則就中選一人易高髻新衣如宮妝以進產男用乳女者產女用乳男者後來風戒嬭口類不稱旨臨時多別選城市婦人以應有雇值之費有打點之費上納之費而嬭子遂爲一奇貨矣幸一見畱則終其身事所乳得沾恩澤無復出理其食報特隆云宛署雜記

明朝藉田禮

明朝藉田之禮先期一日順天府行宛平大興

兩縣選集老人年高有行者數十人於本府氣
候堂後隨班習儀預備牛犂穀種及耕斂器具
良民二百餘人於地壇內搭蓋耕棚方廣五十
餘步土取羅細數次覆黃土其上至期教坊司
妝扮優人爲風伯雨師土地等神小伶爲村莊
男婦播鼗鼓唱太平歌兩縣民執農具各列耕
田左右駕至左手執鞭右手執金龍犂稍前導
駕二員牽牛老人二扶犂老人二執箕桶老人
二夾駕左右名幫耜臣凡往回者三駕升望耕

人海記

卷下

四三

臺御座公卿以次親耕耕畢順天府治中通判
推官各攜穀種箱一徧散地上老人牽牛覆土
爲耕種狀小伶百餘衣田家男女服奉五穀以
進駕回齋堂受賀畢宴三品以上官賜耆老及
農民各饅頭二個肉二斤隨駕官民各執農具
從至午門復賞老人各布二匹農夫各布一匹
宛署雜記

棋炒

棋炒嘉靖三十年戶部行宛大二縣領太倉銀

三千兩散給各燒餅鋪戶每銀一兩上棋炒一石其法用白麪少和香油芝蔴爲棋子塊樣炒熟工部送至行軍處所支用 宛署雜記

女轎夫

明朝有女轎夫林鳳妻王氏等一百九十三戶查原籍福建閩侯懷三縣人於洪武中撥送南京應當女戶永樂間隨駕北都專供大駕婚禮選妃及親王各公主婚配應用給與優免下帖令其男子在外供給免其雜差天順間各戶消

人海記

卷下

望

乏告扯五城及宛平縣會同簽補嘉靖三十一年止存八戶題簽楚相妻王氏一百餘名補足末年楚相等陸續改撥錦衣校尉萬曆中復行簽補不許蚤緣改撥 宛署雜記

蓼戶

蓼戶明制宛平縣額辦酒醋局杏仁十一石五斗包麪紙三萬張蓼芽二萬斤杏仁紙招商市買原有額價惟蓼芽係土產之物而法又必取鮮者以是向來不議價止於鋪行銀兩內定腳

價七兩責令近城居民數家依時採進謂之蓼
戶城近園丁計畦領錢彼此相幫一家出名百
家供貼其後歲令舊蓼戶報添二十戶一經報
名各不相貼小民甚以爲苦萬厯十九年內按
院劉某訪行前弊行縣每草一斤議價二釐五
毫召商辨進以前蓼戶并雜費名色盡行革除
著爲定額民困一甦

宛署雜記

駕相

皇城內牆外曰內紅鋪明朝隸五府勳臣掌管

人海記

卷下

四四

巡邏凡有倒臥及溢溺尸骸請題隨駕錦衣衛
官一員行據宛大二縣官相驗具印結奏請定
奪謂之駕相稍涉疑似送法司蓋以防內臣窺
蔽故以耳目寄守土官也至正德末劉瑾用事
權歸內衛兩縣惟持空印結臨事填之是否虛
實法司卒不與聞非若外郡縣三覆檢平之廷
尉亭讞疑法豈外檢俱可疑而駕相可不疑耶
豈在外者多斃於人而在內者多自斃耶於立
法初意不能無悖矣

宛署雜記

大臣賜第京師

明朝大臣賜第京師者胡忠安在麻線衛衛李
文正在灰廠小巷李閣老衛衛張文忠在五顯
廟前張閣老衛衛李文達在東邊王府街

講官賜金錢

景泰初開講筵每講畢命中官布金錢於地令
講官拾之以爲恩典時高穀年六十餘俯拾不
便無所得此載蔣一葵長安客話按宣德中李
時勉爲侍講學士一日上懷金錢至史官撒之
人海記

卷下

四

於地令諸講官拾取時勉獨正立乃呼至前賜
以袖中金錢則其事不始於景泰朝

翰林院積沙

翰林院門左右飛沙積歲高與牆齊明世廟中
掌院某嘗令除去官僚罷謫幾空未幾沙還積
如故或以爲形勝宜爾

長安客話

六科廊

明初六科在午門內與尙寶司相連今猶稱六
科廊後因失火遷午門外

長安客話

銅匱酒榨

工部有銅匱四高可過人光祿寺有鐵梨木酒榨每榨用米二十石得汁百甕云是明初籍沒沈萬三家物

捕蝦蟆

明太醫院例於端陽日差官至南海子捕蝦蟆擠酥以合藥製紫金錠有御醫某者張大其事鼓吹旂旛喧闐以往或嘲以詩曰抖擻威風出鳳城喧喧鼓吹擁霓旌穿林披莽如虓虎捉得

人悔記

卷下

三十六

蝦蟆剗眼睛

三代尙書

明朝祖孫父子三代爲尙書者惟福州林氏一家林瀚南京兵部尙書瀚子庭機南禮部尙書庭機子爌亦南禮部尙書

十知貢舉

胡忠安公漢爲禮部尙書自宣德丁未至景泰甲戌凡十爲會試知貢舉官

舉人衫

新舉人朝見著青衫不著欄衫開始於宣宗朝
謂其異於歲貢生耳及其下第送國子監則仍
著欄衫蓋國學自有成規也

戰具斤兩

明制各邊軍士從戰身荷鎖甲戰裙遮臂等具
重四十斤鐵盔鐵腦蓋重七斤頓頂護心脇
鐵重五斤弓撒箭袋重十斤腰刀三斤半蒺藜
骨朵重三斤箭筒一斤通計七十四斤半

不樂爲教官

人海記

卷下

四七

曹文忠公鼎初爲教官不樂願爲繁劇一職改
江西太和典史進學不倦復修舉子業遂登進
士及第入經筵尋入閣與政士林榮之

寶誌瘞所

明孝陵卽梁名僧寶誌瘞所傍有八功德水誠
意伯奏改葬之乃見二大岳對合啓之誌公端
坐於內髮被體指爪繞腰矣瘞旣遷水亦隨往
太祖異焉敕建靈谷寺賜之莊田甚廣仍迎其
像建塔居之命太常歲祭董穀碧里雜存

聽經樓

成祖靖難後於都城四達之衢必建一聽經樓每夜令僧於上誦誦經義俾臣民席地靜聽之既遷都百年後舊制盡失尙存其一於北門橋與十廟相近嘉靖初僧復新之人莫知其爲聽經樓之故址也

附學

明初生員惟有廩膳增廣廩膳有額增廣無額成化中京師語曰和尙普渡秀才拘數嚴陵姚人海記

卷下

吳

夔時爲禮部尙書奏請故附學立焉

諭法

唐時議諭之法無爵者稱子若蘊德邱園聲實明著雖無官亦奏聞賜諭曰先生亦有門人故舊私爲立諭者如孟郊稱貞曜先生之類是也後世三品以上乃得諭號而無爵之謚遂絕

持笏

唐制公卿皆摺笏於帶而後乘馬張九齡獨使人持之因設笏囊自九齡始明朝公卿多有肩

輿四品以下始乘馬惟南京與外方面官迎詔送表時皆朝服乘馬有搢笏於帶者有手自持者有人爲持者以意自便無所謂故事

蔭襲巾

晉漢唐巾乃儒者之冠明興科甲監儒兼用之不在此列者皆安分不敢僭用後來風俗僭侈平人以小帽爲恥或一人僿倖科甲宗族媼親盡換儒巾故諺有滿城文運轉偏地是方巾之語

人海記

卷下

完

射柳

永樂中禁中有翦柳之戲卽射柳也元人以鶉鴿貯葫蘆中懸之柳上彎弓射之矢中葫蘆鴿飛出以飛之高下爲勝負往往會於清明端陽

周應賓識小編

殿試改期

明制殿試在三月朔日成化八年以悼恭太子發引改於十五日後因之本朝因今上萬壽節在十八日復改期於後

蜂化促織

桐城劉浩性好促織嘗出婁門見水濱一大蜂
以身就泥中輾轉數四起集敗荷葉上俄化爲
促織健而善鬪所當無不勝者見陸燦庚已編
而物類相感志不載

貓王

仁和郎瑛所著名續已編內一段云福建布政
朱彰景泰初謫陝西莊浪驛丞有西蕃使臣入
貢一貓道經於驛彰館之問貓有何異使臣云
人海記
卷下
辛
向夕請試之以貓盛罩於鐵籠納空屋中明日
起視有數十鼠伏籠外盡死蓋貓王也使臣又
云此貓所在雖數百里外鼠皆來伏

改印

大同初叛之歲失總兵官所佩征西前將軍印
職方請給新印鄭端簡公時爲主事白郎中總
兵印文柳葉篆請改印文或稱別將軍或增減
其字恐原印在叛軍處有事時行文奏報真僞
不可辨誤事非小往年胡忠安在禮部失行禮

部之印改鑄行禮部印在內衙門尙然况邊鎮兵權又反側不靖時乎郎中不以爲然

外戚封王

外戚封王自嘉靖中張鶴齡始駙馬無封侯者藥城富陽永春西寧皆以軍功封惟永康公主駙馬崔元以迎立世廟封京山侯

走解

五月五日賜文武官走驃騎於後苑其制一人執旂引於前二人馳馬繼出呈藝於馬上或上

人海記

卷下

辛

或下或左或右騰躍躡捷人馬相得如此者數百騎後乃爲胡服臂鷹走犬圍獵狀終場俗名曰走解音鞞去聲而不知所自豈金元之舊俗歟今每歲一舉蓋以訓武也觀畢賜宴而回彭時筆記

六科內府

六科皆內府不詳所自偶閱吳人陸鈇漫記謂光祿寺及六科皆內府衙門

草科馬數

東直門外二十馬房收草料每一房用太監三

人每草一萬用銀二十兩其馬數不許查理亦
曾有人進本乞查馬數發問充軍 通州秋青
草自正統十四年積草爲虜所焚自後令天津
八衛打秋青草遂爲例 陸鈇漫記

軍數非外人與知

兵部尙書鄺楚一日向恭順侯吳某取五軍軍
數吳以上聞鄺走謝之以軍數非外人所與知
此祖制也 陸鈇漫記

太子冠禮

人海記

卷下

三

太子冠禮凡三加初折上市二遠遊冠三九旒
陸鈇漫記

瓊林宴盡七杯

明進士賜瓊林宴盡席上七杯 水南翰記

秘閣

內諸司舍屋惟秘閣最宏壯閣下穹窿高敞謂
之木天

南內藏書

永樂辛丑北京大內新成敕翰林院凡南內文

淵閣所藏古今書籍各取一部送至北京餘收
貯封識如故修撰陳循如數取進得一百櫃
舟載以進京至正統乙巳南內災文淵閣所藏
書悉爲灰燼姚福青溪暇筆

只孫衣

元時有只孫衣周伯琦詐馬行序曰華言一色
衣也周憲王元宮詞健兒千隊足如飛隨從南
郊露未晞鼓吹聲中春色曉御前咸著只孫衣
吳郡皇甫庸近峯聞略云元親王及功臣侍宴
人海記

卷下

五

者則賜冠衣謂之只孫今儀從所服團花只孫
當是也按元史世祖本紀只作質

劉瑾時狀啓

劉瑾用事時百官門狀啓禮悉用紅紙京師紙
價十數倍雖元臣宿將必自稱晚生及門下生
近峯聞略

庶吉士呈文

宋制科先命從官各舉平生所爲文五十篇於
學士院中選而後召試明宏治癸丑以前凡選

庶吉士必先期呈所試文於內閣謂之投獻猶有宋制科遺意後廢不用

近峯聞略

年號犯前代

明朝年號犯前代者涼張重華五代蠻張遇賢宋方臘皆稱永樂元稔定帝太子阿速吉八即位改元天順宋夏主李乾順稱正德正德改元詔下馬冢宰試選人題曰宰相須用讀書人論蓋用宋太祖事議內閣也

士寬按梁蕭莊北魏元法僧皆稱天啓金

楊安兒稱天順

人海記

卷下

書

髑髏築臺

太祖於後湖中築一臺藏天下兵冊避火災也築屢潰乃命囊所誅髑髏爲基卽就此洪武三年事也

徐禎卿翦勝野聞

稱老師

京師稱爲極尊者曰老先生自內閣以至大小九卿皆然門生稱座主亦不過老先生至分宜當國而諛者日眾甚者稱夫子此後門生稱座主俱曰老師又有無故而稱老師者不可勝記

不
錄

京察

六年一京察乃成化以後定例至於考察科道則或以輔臣去住而及其黨者惟嘉靖丙辰因星變命輔臣李本即呂本掌部悉取六部九卿自尙書至尙寶丞及六科十三道分別去畱之蓋分宜借此伸其恩怨也隆慶四年有旨命吏部高拱考察科道官高請與都察院同事大者削小者謫其後高雖敗而斥者不復用

八海記

卷下

五

試差正副變例

左右春坊中允入閣門內揖出用雙導贊善亦然而翰林侍讀侍講品故同中允然以本院屬官故揖則中庭出則單導獨至修書講筵主兩京試則皆講讀先而中允後此衙門故事也明萬曆己卯南京鄉試忽以中允高啓愚先而後侍□羅萬化成法爲之一變 本朝各省鄉試翰林科員同差者必翰林官爲正而科員副之康熙甲子陝西鄉試江都許承宣以工科爲正

主考錢塘汪霏以編修爲副亦一時變例也

鶴坡楚濱

分宜當國家人永年專爲世蕃過錢署號曰鶴坡江陵當國而家人子游七司其出納署號曰楚濱一時士大夫無不稱楚濱鶴坡者

風不錄

私鹽之禁

私鹽之禁至今日嚴密極矣嘗記宋時漕運自荆湖南北來至眞揚交卸舟人皆市私鹽以歸每得厚利故舟人以船爲家一有損漏旋即補

人海記

卷下

五

算久而不壞運道亦通明文皇嘗謂侍從曰篙工柁師有少販鬻但無妨公不必究問其寬大如此今人盤詰私鹽者糧艘亦在所不免犯者無論運官運丁一體治罪又加以關吏之權眞無纖毫餘利以惠窮乏宜其計無復之侵蝕官米也

科場例式之始

明朝開科始洪武三年而定條例自十七年始先是試尚仍元制二十一年始刻程文先是止

錄姓名鄉貫試錄定式自二十四年始

陳胤漫志

刊策刊經文

正德戊辰廷試二甲三甲一名各刊策丁丑會試五經各刊文三篇皆異常格

許襄毅上京

許襄毅公進成化中以御史丁憂起復上京惟乘馬其配高夫人素病眩暈不能御車亦騎而從竟不索轎時仲子司徒誥方在襁褓叔子少傅讚娠在腹而司馬論則其季子也

人海記

卷下

五七

分宜時檢討

分宜當國時有一檢討家居十九年既至與分宜抗禮上坐用侍生白單帖分宜亦不爲異蓋衙門稱晚生惟七科前輩不論入閣與否又新進者於掌院學士稱晚生避馬馮夢禎快雪堂漫錄

殿試出榜變例

殿試臚唱畢禮部堂上官捧黃榜鼓吹導出大衙門一甲三人隨之餘進士則仍自兩旁出此定制也康熙庚辰科閣臣孝感熊賜履沁州吳

以本科會試總裁復充殿試讀卷官榜眼李愈探花王露皆其禮闈所取前列士對策書法大不滿上意是日捧榜止用禮部司官而一甲三人俱不敢由中門出此後遂相沿不變矣

禮闈女嬰

康熙庚辰二月禮闈舉子場事已竣方鎖閣閱卷二十日夜明遠樓上忽有啼聲視之乃一初生女嬰不知所自外簾官相顧愕眙以其事近怪不敢上聞越二日進五魁卷遂令一役送此

人海記

卷下

五

女置育嬰堂中明日有人抱之以去後余至育嬰堂親問李老人果有此事亦人妖也

東直門異

庚辰四月十七早東直門已啓鑰而門扇牢合不可開若有物錮之者自卯達申內外出入不通壅擠者數千人司門兵役奔告九門提督以羊豕致祭戶樞旋開已近黃昏矣

太白經天

庚辰五月初十以後太白經天在張翼二星之

閤日斜乃見非盡見也

引水陷馬足

自鄭州至雄州一帶春夏之交雨水泛溢行者
病涉恆以爲苦按蘇子由使契丹時有贈知雄
州王崇極詩首章云趙北燕南古戰場何年干
里作方塘煙波坐覺胡塵遠皮幣遙知國計長
又云城裏都無一寸閒城頭野水四汙漫與君
但對湖光飲多病偏須酒令寬則北宋時此地
已爲澤國當時引淀灤諸水以限戎馬之足遂
成巨浸積漸使然也

人海記

卷下

堯

本朝禁中宮殿門名

本朝禁中宮殿門名大概仍明之舊與酌中志
所載略同乾清門之內爲乾清宮宮之東曰昭
仁殿西曰宏德殿 東宮及諸王讀書之所一
在門之東曰東書房一在門之西曰西書房皆
北向翰林院直廬曰南書房與西書房纔隔一
垣循西廊稍北曰繡書房在月華門之南月華
門北曰懋勤殿乾清宮正北曰交泰殿交泰殿

正北曰坤寧宮宮有東西二煖殿坤寧宮直北
曰欽安殿又北爲 御花園神武門自昭仁宏
德而北兩翼相比者東曰延禧宮承乾宮景陽
宮景仁宮長春宮鍾粹宮西曰翊坤宮永和宮
咸福宮永壽宮啓祥宮儲秀宮 御茶房在乾
清宮東北 御書房古董房在景陽宮內敬事
房在景仁宮內中正殿在長春宮之西又西爲
咸安宮天穹殿在景陽宮之東以上皆宮門之內乾清
門之東曰內左門西曰內右門北下東向者曰

入海記

卷下

本

口精門昭華門基化門景和門近光左門西向
者曰月華門端則門隆福門近光右門月華門
之外曰隆宗門門之西曰養心殿南曰慈寧宮
太皇太后所居景和門之東爲毓慶宮皇太子宮也又東爲
寧壽宮皇太后所居此外尚有兆祥所遇喜所所內
永安亭南府西路南府中路東庫房西庫房鷹
房大小狗房鳥鎗房鴿子房棧房藥房露房等
名皆不在宮殿之數

本朝內監數目

本朝內監數目乾清宮總管二首領四太監十
九打掃首領三打掃太監七十八昭仁殿首領
二太監七宏德殿首領二太監七懋勤殿首領
一太監六自鳴鐘下太監十四執事首領四太
監六十六 御茶房首領二太監四十六 上
乘轎首領二太監三十七坤寧宮首領二太監
十東煖殿首領二太監五西煖殿首領二太監
六寶房卽舊交泰殿首領二太監四延禧宮首
領二太監十四長春宮首領二太監十二永壽
宮首領二太監俱不知數翊坤宮首領二太監十
三永和宮首領二太監十啓祥宮首領二太監
十四承乾宮首領二太監十咸福宮首領二太
監十七儲秀宮首領二太監二十四景陽宮首
領二太監七鍾粹宮首領二太監十景仁宮首
領二太監十近光左門太監四 御書房在景
陽宮內首領二太監九古董房在景陽宮內首
領二太監四東書房太監三南書房太監三諸
王子書房太監六西書房太監三繙書房太監

二敬事房在景仁宮內首領一太監二十一
御前太監四讀清書太監十二乾清門首領二
太監六日精門在宮東首領二太監五月華門
在宮西首領二太監六內左門首領二太監十
二內右門首領二太監十景和門首領二太監
六隆福門首領二太監五基化門首領二太監
八端則門首領二太監七昭華門首領二太監
八近光右門太監五養心殿在月華門外正西
首領二打掃首領二太監十五打掃太監八箭

人海記

卷下

室

匠太監五按摩太監五鑿匠太監二學西洋醫
太監二畫匠太監一鳥鎗太監八養心殿露房
太監三棧房首領一太監六大殿鷹上首領二
太監十九大小狗房首領二太監二十九鴿子
房太監三 御花園在欽安殿後首領三太監
三十三北小花園在宮後首領二太監七天穹
殿在景陽宮東首領二太監四中正殿在長春
宮西太監十欽安殿首領二太監二十四熟火
房首領一太監十二柴炭所首領一太監十五

燒炕首領二太監十三兆祥所在神武門內首

領二太監十書房太監四遇喜所首領二太監

十所內總管一首領九太監四十三永安亭首

領三太監十七南府西路首領三太監二十九

南府中路在瀛臺南首領二太監九南薰殿在

內西華門內首領一太監二十五咸安宮首領

二太監三十二慈寧宮佛堂首領二太監六
喇嘛首領二太監二十

二誦經首領二太監十一
管門首領二太
監十花園首領二太監二打掃首領二打掃

八太監 寧壽宮在毓慶宮東太監數未查毓慶宮

人海記

卷下

殿上首領四太監四十 鷹上首領一太監一

一門上首領一太監八 狗房首領一太監一

二十四 執事首領二太監十六 茶房首領

二太監十七 鳥銮太監五 打掃首領一太

監十 睿前太監七十三阿哥下太監七十四阿

哥下太監七十五阿哥下太監五十六阿哥下

太監六十 東庫房阿哥下太監四西庫房阿

哥下太監三

榆莢
三月初旬榆莢方生時官廚采供 御饌或和
以粉或以麵內直詞臣每蒙 賜食余有詩紀

之

湯泉御札

湯山在昌平州東南山下有湯泉行宮在山之東跨泉爲浴池癸未五月隨駕駐此偶閱曹能始名勝志云溫泉出昌平西北二十五里之湯峪初疑志誤是日作詩因詳註此段進呈明日上賜御札云此湯非舊有康熙二三年間輔臣□□時人始知之病者浴此甚有益昌平州西北湯峪之泉故在非志訛也御札隨繳

人海記

卷下

一

進謹錄於右以見皇上之精於考證如此

夜光木

古北口外有老樹根爲沙水浸潤歲久發光以刀削去薄皮肌理瑩徹大者合抱小如臂指皆透明如琉璃水精夜置暗室中照見細字因呼爲夜光木出水半月後溼氣漸乾光亦漸滅成枯槩矣真物理之莫解者此樹亦不知名

猴頭蕨菰

猴頭蕨菰產鞍子嶺附近山中大者一枚重斤

許味厚如榆肉而鮮美過之元楊允孚灤京誌
更說高麗生菜美總輸山後蘇菰香自注云采
山產蘇菰按元之灤京去此不遠物產正同又
有一種生牛馬糞堆者名沙菌亦可采食但形
味差薄耳

蟠木

山中有野杏樹枝幹多被野燒所焚其根堅韌
入土不爛有花紋而香以爲筆架及小香几玲
瓏可愛 御前俱斲用之余受 賜者用作小

人海記

卷下

奎

鏡架名之爲蟠木

湯泉上諭

去熱河九十里入蒙古科爾沁界其地有湯泉
上坐湯回諭諸臣云朕坐湯凡二十二處所
至必令西洋人以銀盃盛水重湯煎之俟水乾
驗盃底或硫或硝或礬或砂各各不同至其舒
筋骨和血脈則一也

蒙古鹽鐵

蒙古阿巴海部落地名充俄里有泡子河產天

然鹽生水中如層冰厚四五寸許鑿取成磚不
事煎熬而可食其味較中國食鹽稍淡又有產
於高山者彌望如雪人跡不能到則用強弓仰
射取之又產精鐵色如白銀今上用烏鎗皆采
此鐵製造往聞明季嚴禁關口不得出鹽鐵等
物謂可坐困外國豈知彼中物產固自不乏耶

口外行宮

口外避暑行宮 皇上取樸素之義命曰山莊

自兩間房起次鞍子嶺次黃甲營次樺榆溝相近

人海記

卷下

五

有釣魚臺亦有樓閣然非宿頓次喀喇火屯蒙古云喀喇譯云

黑地其地本名黑城亦云烏城次上營子一名

熱河次藍旗營次波羅火屯一名皇姑莊其地

與蒙古四子部落相近次唐山營凡九處宮殿

之制繪圖如一惟喀喇火屯地形寬衍溪山尤

勝行宮之後復創苑囿黃甲營向係腰站殿宇

無多駐蹕歲不過一宿而已

塞山毒草

塞山有毒草中人肌膚毒甚蜂蠆自唐山營踰

汗鐵木嶺而外徧地有之俗名蠟子草蘆高四五尺葉如麻嫩時可供馬秣經霜則瘁螿不可觸

椒樹

椒樹葉與烏柏相似而大如團扇有鉅齒初生時可裹餅餌蒸食霜後鮮赤若丹楓照耀巖谷其皮柔韌如麻皮烏喇之人采以治繩作魚網入水不濡又可爲烏鎗火繩中國所無也按本草人參條下所載椒木音賈而此音斷不同

人海記

卷下

三七

細鱗魚

細鱗魚產澗河中旁近溪澗多有之重唇鱗如魴中有黑斑大者一頭重斤許味極鮮腴又有柘綠魚味與細鱗略同而形差小又有柳根赤長不過二三寸入釣最多竿不虛舉此魚族聚緩流中好食柳根故名

駱駝

駱駝有紫色白色兩種蒙古與中國貿易騰健者每頭直價二三十金以其臥而齧草腹不貼

地故曰明駝

帳殿帳房

行圍駐蹕之所擇地勢平衍者刈草剗土測景
向正南中立帳殿外設幔城以黃布爲之開東
西南三門幔城外四面又設網城一重羽林周
廬環繞網城之外相去率百餘步惟內廷扈從
詞臣設帳房於南門三十步內以便不時宣喚
也

烏喇柰

人海記

卷下

亥

烏喇柰山果也一名歐李叢生樸檉間紅如珊
瑚比櫻桃而大味甘微酢密浸可以致遠蒙古
諸山處處有之

蒙古無名水

玲瓏山溝口蒙古名爲生濟圖火羅昂阿有水
不詳其名源自白旗營流下塞外諸川此爲最
大商人伐巨松成段散置斯干遇暴雨水漲則
順流而出以道理揆之當亦達於磻河從永平
南入關者

落葉松

雍安嶺塞外諸山最高處嶺上多白沙故名□
□其山東連長白西界五臺嶺下爲東西四旗
舊營外卽蒙古克什黑屯部落北去百餘里直
走旱海矣或云此嶺之北卽陰山恐亦未必然
嶺上喬松插天不計其數葉短而勁八月杪被
霜黃落與凡材無異各落葉松蓋茲山下臨沙
漠朔氣高寒宜無不凋之才也

黃羊

人海記

卷下

六九

黃羊岫安嶺上獨石口一帶草中有之高三尺
餘背毛淺黃色腹下自百十爲羣每合圍遙望
拍拍如鵝鴨所得以干計有耳無角尾似麋聲
似鹿本鹿類而以羊名本草謂黃羊狀與羊同
腹下帶黃色猶未得其真也

虎乙

虎有威骨長寸餘在脇兩旁肉中不附筋骨初
生時骨平如一字年深則曲而爲乙字其力始
猛所謂虎挾乙也 東宮行圍時曾以一枚見

賜後以與李氏外孫女云可辟邪

野豬

野豬毛深黑色高五六尺長八九尺絕有力上下四牙長出口外人莫敢攫弓矢不能勝利用火攻味之美尤在皮行竄以供 上膳非拜賜不得食

熊

熊之力大於虎倚樹而立獵者不敢近必先以狗攬之俟其出林然後人力有所施鎗箭競加

人海記

卷下

下

其計無復之則騰身上喬木之杪拗樹枝以擲人人以火器仰攻力盡乃墮有猶熊人熊馬熊樹熊石熊之別余所見者乃石熊也本草云背上脂爲熊白味甚美不知腹中之腴拌糖霜皆可生食也

鹿

大凡打圍惟在得鹿他如豺狼狐狸諸獸圍未合時往往多竄出者鹿之類不一十麋鹿中纔得一鹿十牝鹿中纔得一牡鹿牝無角而牡有

角老鹿之角有長至丈許者此爲絕有力箭已
洞胸貫腹負痛疾馳尙能踰險越阻行數十里
乃斃白露後秋分前極肥過此漸羸瘦矣

哨鹿

哨鹿之說遼史已有之但未詳其法今特志之
每歲於白露後三日獵者衣鹿衣戴鹿頭天未
明潛伏草中吹木筒作聲牡鹿聞之以爲求其
偶也遂踴躍而至至則利鏃加焉無得脫者

鹿茸

鹿茸初解角時其長如繭栗蒸而食之嫩如乳
酥色白而微紅余陪獵三次僅得一嘗香味兩
奇絕世謂江瑤柱食品無對惟此可與相配

山雉

獵場草深沒馬腹山雉最多而肥驚人決起高
飛不能及遠旋復入草中從行者往往徒步取
之易如拾蚌蛤每日暮回營人人馬後必帶數
尾以供晚食間有飛入帳房中宴坐而獲者重
陽以後瘦不中食亦如鹿過秋分則羸時候使

然也

飛狐

飛狐本蝙蝠之類毛深褐色銳頭缺口似兔而長尾尾長與身等肉翅如鼈裙四足生翅中前足四爪後足五爪能飛不踰尋丈上於必忒舍勒圍中親射得之

蜥蜴

塞山積雨草中產蜥蜴長四寸許頭以下色如翡翠有紋勻細如魚鱗尾作泥金色吐氣爲雲人海記

卷下

圭

松癭

千年老松癭剖之作瓢可貯水一二升許又落葉松根出菌芝莖紫赤色皆可充几案間物避暑時上嘗頒賜扈從文臣余所得二芝一瓢他日可爲初白庵中清供也

順風耳

順風耳西洋巧工所製以銅爲管節節相續約長丈餘如千里鏡之式虛其中口大而末小向

空中傳語自上而下或自下而上相去五六里
聲息相聞此器亦從古所未有殺虎時往往用
之

空青

一日 上在行宮出示石子二枚其一黃白色
形圓中空貯水映日則見其一紫色中有水一
滴如唾珠隨手轉換石面上向則珠反下走石
下向則珠卻上升循環無端疑卽空青之類本
產蒙古山中而彼不知貴也

人海記

卷下

三

塞外山果

塞外有山果名烏沙兒契深紅色味似烏喇奈
而微苦核扁如瓜子其枝大者可爲弓幹細者
可爲箭筈亦材木也本草不載

戶部西庫書

戶部西庫中有書五十櫥康熙癸未九月杪奉
旨著養心殿供奉向庫檢查僅得三吳水利
考及蔡忠惠文湖州集共三種據回奏曰此外
率殘缺不全吾不敢信也

殿試武舉

癸未十月初五日殿試武舉黎明傳 旨南書房先後隨駕翰林少詹陳元龍諭德查昇陳壯履編修汪士鉉錢名世庶吉士汪顥查慎行蔣廷錫八人俱著隨往紫光閣看武舉校射余輩隨赴西苑候 駕已刻 上乘舟至先率東宮諸王各射步箭一回然後陞寶座讀卷官自大學士至少詹共十四員於握殿東南西向坐余輩八人以次班坐於後申刻武舉一百人馬射人海記

卷下

既畢諸臣移坐東向復觀武舉步射每十人爲一朋每人射畢又各試技勇甫三朋日已下春上率東宮以下又射箭一回乃回宮明日午後校射始畢選十三人充 御前侍衛吾宗三百年來未有登武榜者是科族叔靜安始冒朱姓以進士余與聲山谷不在讀卷之列蒙 恩得坐班與觀亦一門盛事也

開爐節

每年十一月初一日於燒煖炕設圍爐舊謂之

開爐節十二月二十四日乾清宮庭前設萬壽燈八仙望子四架二十六日各宮殿俱掛門神對聯二十八日宮中及甬道東西兩廊設五色羊角燈此歲例也

考督學臣

壬午十二月二十三日各衙門已封印兩日矣忽有旨召各省新授督學臣入南書房候考御試題夫子循循然節制藝一篇奉和聖製爲考試歎五律一首午後呈卷明早復集內廷人海記

卷下

蓋

俱依擬用人賜御書一幅而出所用十一人翰詹衙門計十人部曹止一人乃翁嵩年康貽也自是翰林院官頗爲諸曹所忌蓋舊例除北直江南浙江三省學院而外其餘各省學道多以部郎及外府俸滿進士出身者充之今一變其局疑有他故其實出自宸斷與在廷無與也

元旦朝儀

元旦宮廷內外朝儀五鼓駕親祭堂子各官

俱朝服於午門外送黎明 駕回宮先至奉先殿繼至寧壽宮行禮畢然後乘輦出御太和殿受外廷朝賀辰刻復回乾清宮庭前樂作 上陞寶座垂簾樂再奏宮嬪於 上前行禮畢樂三奏簾捲東宮諸王以次在殿庭行三跪九叩頭禮樂四奏公主郡主於宮中行禮樂五奏 上御西煖閣內外諸臣俱集午門內望毓慶宮行兩跪六叩頭禮禮畢始散班

暢春苑直廬

人海記

卷下

五

暢春苑內未有直廬供奉之員皆就近僦居以候不時宣喚康熙癸未正月余與汪紫滄家聲山三人隨駕赴苑 上親指小東門沿牆向西屋五間爲祇候之地其秋改作三層南向而以直南三間爲翰林直房後二層爲畫院自是入直有定所與南書房同

西苑烟火

西苑張燈自正月十四夜起至十六夜止癸未上元前二日有 旨查昇查慎行汪灝自明日

爲始連夕俱至西廠看放烟火至十四夜酉刻
內侍一人導余輩三人自小南門入沿河北行
里許經勤政樓下穿網城西渡板橋寬數百畝
壤平如削當樓之正面設燈棚一架高起六丈
餘稍南爲不夜城中列黃河九曲燈縛秫稻作
坊巷衢徑街回復往往入而易迷燈之數不
知其幾每一燈旁植一旗五采間錯日初落數
千百燈一時先燃其北列柵方廣約五六里散
植烟火數百架黃昏上御樓西向坐先放高
架烟火謂之合子最奇者爲千葉蓮花合子旣
畢人氣尤靜須臾橋東爆竹發藥線從隔河起
飛星一道倒曳有聲倏上倏下列入柵中縱橫
馳突食頃火光遠近齊著如蟄雷奮地飛電掣
空此時月色天光俱爲烟氣所蔽觀者神移目
眩震撼動搖不能自主移時烟焰盡消而九曲
黃河燈猶熒熒如繁星也內官舞龍燈者至樓
前伺候余輩乃出宮漏下二鼓矣十五十六兩
夜皆然其後歲以爲常但取道苑北門不復從

南門入矣

進士釋褐

進士釋褐例在國子監柏樹下康熙癸未因修葺太學工未竣先師先賢牌位俱移度順天府學新進士卽於府學行釋褐禮一甲三人入大成殿分獻余與紫滄分獻兩廡再行三跪九叩頭禮然後赴彝倫堂謁大司成行四拜禮畢登堂就席一甲三人在中間授庶常者在東間餘進士在西間各飲三杯揖司成而退

人海記

卷下

三

聖祖論醫

上畱心醫理熟諳藥性嘗論臣等云聖賢道理俱有一定之論至於醫卜星相言人人殊世間庸醫於寒熱虛實率未能辨南人喜用補北人好用瀉皆非適中之道大抵溫補之藥其效甚微酷烈之藥其效立見方書所載湯頭甚多若一方可療一病何用屢易西洋有一種樹皮名金雞勒以治瘧疾一服卽愈可見用藥只在對證也

萬首唐人絕句

養心殿送到萬首唐人絕句一部真南宋本前有洪容齋序紹熙元年刻於越州蓬萊閣初止四十卷既而容齋歸鄱陽續刻成書遂滿萬首之數每一卷計詩百首共一百零一卷紹熙三年奏進重華宮壽皇稱其精博賜茶一百鈔清馥香十貼薰香二十貼金器一百兩遂復上表謝恩前後劄子奏狀俱載卷首至嘉定癸未新安汪綱守越遂搨鄱本并刻之今本卽嘉定中人海記

卷下

七

合刻者但檢對目錄現存僅七十五卷缺二十六卷爲可惜耳

經筵

經筵舊例先五日掌院學士擬進四書二條書經易經各二條候御筆點定講官始撰講章再經繕清進呈臨時備用甲申春將舉經筵掌院所擬題概置不用經書二條皆出上裁四書子貢問一節尙書汝二十有二人欽哉惟時亮天工二句二月二十九日午後方發下

是月小盡

漢講官爲華亭王大司空

鴻緒

吾邑陳正詹元

龍倉卒撰擬爲期甚迫三月初二日黎明上

御文華殿進講畢賜茶而退經筵例有筵宴停

止自茲始

廣仁殿

御前發下白玉引首圖章一枚篆文廣仁殿三

字奉旨考究出處記得金史章宗泰和七年

召對羣臣於廣仁殿又查禁扁目錄金初都燕

後移汴宮殿扁額亦爲廣仁殿之名但拗造年

人海記

卷下

全

月則無可考

唐六如水村圖

唐伯虎相城水村圖宣紙小幅闊纔半尺長六

尺餘水墨濃淡點綴生動楊柳共三十四株江

橋村市出沒水氣中後有王文恪公五言古詩

一首伯虎次和最後又有盧襄次韻一首相城

沈石田所居時石田下世文恪與伯虎往弔舟

中作此一時輿會所到筆墨之痕俱化平生所

見伯虎畫此爲第一甲申五月十五日御前

發下裝潢裱房在西苑直廬之後與王麓臺前輩同觀

聖祖算學

皇上精於算學嘗著三角形論以示內廷諸臣茫然無能解者一日面示臣等算法先聚米一堆於案上用軟尺量之圍五尺三寸五分徑一尺七寸高五寸三分積數得四千□□九寸復以堆採法一百二十五寸之得三二□七之數隨用一百二十五寸之銅斗量之不差累黍

人海記

卷下

全

又頒示一寸斗一八寸斗一十八寸斗一斛水於中大小隨其所受寸寸而積盈縮不爽御筆推算法一紙今存家少詹姪處

鄭世子

嘉量算經三卷律呂正論六卷明鄭世子載堉著其書推原造厯之本大約謂古人以度定量以量定權必參相得而後黃鐘之律可求律與度量衡相須爲用非度量衡生於律也因將累黍推定三器並厯代沿革損益著之於篇此書

不多有於 御府曾見之按鄭世子之父恭王
被誣禁高牆世子不敢居內寢築一室王門外
席藁以居與王居高牆之年等後恭王薨世子
遁之山中讓爵於盟津王之子見滌有子臧季
札之風

十種蒲桃

御苑蒲桃凡十種甲申十一月十三日頒賜南
書房諸臣 御製詩云休誇大宛貢莫笑漢臣
傳十種標名異千條帶葉鮮隨班命內侍分賜

人海記

卷下

全

到諸賢飽食和心胃歸鞍賦木天此詩原稿存
家聲山學士處十種者一伏地公領孫二伏地
黑蒲桃三伏地瑪瑙四哈密公領孫五哈密瑣
瑣蒲桃六哈密綠蒲桃七哈密紅蒲桃八哈密
白蒲桃九哈密黑蒲桃十馬乳

賜物年例

除夕前三日內廷日直諸臣人賜全鹿一隻風
羊二隻兔八隻野雞八隻鹿尾四枚關東大魚
八尾黃封酒二壘此年例也甲申十二月加賜

御書徑尺大福字一幅對聯一幅綠石硯一方歲不爲例

內府書畫

內府收藏書畫余在內廷曾經眼見者不計其數今錄其尤妙者共三十五種以備遺忘絹本小楷曹娥碑後有昌黎懷素二跋又宋高宗跋三跋又虞集前後共十跋今上御題跋一趙子昂鵲華秋色圖卷宋箋高六尺長六尺楷書九行爲周草窗作後有董文敏五跋褚河南西昇經樂毅論楷書墨跡不書姓名張澤端清明上河人海記

卷下

全

圖卷子絹本長丈餘燕文貴傲王摩詰關山霜霽圖

卷郭熙蜀山積雪圖卷趙子昂百駿圖卷

右軍黃庭經小楷卷唐人臨本米芾山水卷陳

所翁九龍圖趙千里後赤壁圖卷黃荃設

色花卉吳彩鸞細楷唐韻顧野王草蟲卷

閻立本步輦圖閻立本浴神賦燕文貴

長江萬里圖卷劉松年江上雪霽圖東坡

墨竹虞世南廟堂碑真蹟黃公望江山勝

覽圖卷宋僧牧溪果蔬鳥雀圖卷錢舜舉

白雲紅樹圖 趙千里大禹治水圖卷

首有王穉登八

分後有曾棨詩陳繼儒跋 徐熙鈞染花卉翎毛長卷 唐六

如水村圖 管夫人白描大士像 唐陸東之

書文賦真蹟 劉松年五百阿羅漢卷 趙雍

畫馬 有董其昌跋 李龍眠白描五百羅漢卷 李北

海大照寺碑真蹟 周昉美人玩月圖 黃子

久秋山雨意圖 後有元人李忠俊贊二跋

龍鰕

龍鰕產閩廣海中長丈餘通身十七節頭似龍

人海記

卷下

全

有角卻長數寸鬚上有毛甲如玳瑁尾五株皆

倒捲韓昌黎詩云又嘗疑龍鰕果誰雄牙鬚乙

酉正月初四日在南書房 上遣內官傳示始

見之

閱視羣牧

乙酉八月杪圍場旣撤 駕自興安嶺一帶巡

邊入張家口廿八日駐上都必拉廿九日早沿

路閱視羣牧先諸王子馬羣次正藍旗次鑲白

旗次正白旗其餘各旗牧地稍遠不及趕赴自

上都必拉至諾海和碩五十里間駝馬牛羊彌望不絕皆數年中賜種孳息者每位諸王下馬駒二千餘匹八旗每一牛彖有馬一千二三百匹餘畜產稱是三十日早發諾海和碩先閱鑲黃旗畜牧次閱太僕寺官馬馬駒一萬三千餘匹 上沿途緩轡選其駿異者歸上駟院計程七十餘里抵搭班托羅海駐蹕九月初二日自烏蘭腦兒至查木哈兔腦兒閱視慶豐司羊羣計二十六萬頭又 東宮監牧四萬頭共羊三

人海記

卷下

全

十萬初三日閱視牛羣約十萬餘是夕駐蹕托里渾腦兒初四日閱視上駟院馬駒每羣以毛色爲別白者青者黑者紅者黃者紫者雜色者散布山岡望同雲錦爲數約二十萬四十里抵昂烏力海巴拉漢典牧官員屯聚於此過此六里駐蹕初五日 上御幔城南門觀調生馬先賜南書房翰林官馬八匹賜隨駕總兵副將各官人各馬一匹初七日至西巴里臺 上諭云此間尙有上駟院馬二十一羣向經調習者每

年春夏放青九月歸厰今歲因朕巡邊恐馬力
疲乏畱備更替故不令趕來 上又諭云明朝
養馬大累民間我 太宗時以獨石口至張家
口山北一帶水草肥饒指爲放牧之地今歷數
十餘年孳息旣不累民亦不費官自古馬政之
善無如 本朝者

興安至暢春苑站數

自興安打巴漢三十里至渾秦布拉噶五十里
都倫那拉又名上都海拉思台四十里庫勒班

人海記

卷下

全

庫特勒四十里額勒屯色欽六十里博羅活屯
上都必拉五十里諾海和碩七十二里塔班托
羅海五十里烏蘭腦兒五十里查木哈兔腦兒
四十五里托里渾腦兒四十五里昂烏力海巴
拉漢五十五里哈木虎布兒喀四十里西巴里
台十五里察罕托羅海二十里陀羅寺三十里
張家口五里下堡城六十里宣化府十八里泥
河十里鷓兒梁響水鋪二十里上花園十里下
花園雞鳴山雞鳴驛十五里新保安二十五里

沙城二十里土木驛三十里懷來縣有廣慈寺
二十五里榆林堡二十五里岔道五里八達嶺
三里青龍橋三里石佛寺二里彈琴峽五里居
庸北關十五里南關二十五里文頭六十里暢
春苑共二十五站計程一千零八十三里

沙蓬

張家口內保安沙城一帶地產沙蓬實如蒺藜
中有米如稗子食之益人本草所不載

蓋草

人海記

卷下

七

蓋草一名葇亦名王芻本草云此草綠色可染
黃古者貢草入染人故謂之王芻詩經葇臣取
進忠之義當本此

編檢補

乙酉十月六科員缺奉 旨將翰林院編檢改
授初四日掌院學士啓奏考選日期南書房翰
林及日講官俱著一體開列余與張衡臣錢亮
工蔣楊等四人時在直廬奏乞免開職名不願
改授言路奉 旨俯允初六日召見翰林官二

十九員用王懿史申義鄭際泰管顥陳允恭周道新楊顥張大有李紹周九人蓋向來科道員缺例以庶吉士出館而未授職者俟補今已授職復行改用似以臺垣爲編檢升缺惜此語不敢上奏也此例開自庚辰在本衙門爲疏通之路而編檢品稍降矣

南宮變局

會試總裁歷科以來二正二副例用四員丙戌會試止用李少宰錄于彭少司空會洪二人先

人海記

卷下

全

奉 嚴綸戒飭放榜後爲浮言所中會元尙居易以文體不正黜革殿試榜發黜落者四人罰科者十一人奉 旨將會試總裁及房考三人交都察院議處俱落職南宮變局也

館選之嚴

丙戌四月朔庶常當散館 上在西苑考試滿漢庶吉士三十八人御試題存心養性爲匪懈論一首賦得人盡農桑力五言排律十二韻余與錢亮工汪紫滄蔣楊孫四人先經授職不復

與考初六日命下畱館授職者止十五人其餘再行教習者二十人革職者三人兩學院俱降三級畱任視癸未又加嚴從來殿試進士以館選爲榮極盛必衰固其理也

丙戌館選

每科館選 皇上御保和殿滿漢大學士於煖閣內站班掌院學士立煖閣西向一甲三人排立掌院後諸進士以次分班唱名每十人爲一班由殿東入跪奏姓名籍貫及鄉會試名次選

人海記

卷下

全

館者畱殿中與鼎甲挨次立唱名畢諸大臣各賜茶 上升輦回宮此定例也丙戌四月二十六日 上不入朝卽於西苑澹寧居舉行此典新進士二百九十餘名俱從東南奏事門入欽點庶吉士四十八人浙江九人吾季弟潤木與焉先是癸未科余授庶常時仲弟德尹以編修在殿門坐班今日余在苑門復見季弟館選兄弟三人八年之中俱備員詞院不可謂非一門幸事也

草木可當茗飲

口外草木可當茗飲者有三種一種紅蓼花根蒙古呼爲色都滿洲呼色爾布一種卽落葉松皮一種名奢木子亦名瓜子兒茶其色紅

地樅

口外有一種草長尺餘六月開花似虞美人而重臺淺紫色每本三椹結子如桑椹因名地樅歷其漿熬成膏點湯飲之味極芳甘盛以玻璃杯色尤可愛

人海記

卷下

六

詞臣帳房

山莊九處黃甲營地稍窄餘八處多有直廬在行宮二門內東朵殿之後平屋三間西向庭前設松棚以禦暑扈從詞臣每黎明入直一如在西苑也其樺榆溝喀喇上營子三處隨駕大臣皆賜官房爲止宿之地大抵皇上清暑六七月之交於三處爲多故詞臣亦得受塵兩人共住三間紗幪木榻用蔽風日過此以往率就草地支帳房與羽林列幕者無別矣

烏喇哈帶東

從烏喇哈帶東行四十五里地名阿赤你巴蒙古謂兩山交會處也又自北而東渡一溪行十里許有柴棚茅屋又東二十里渡西兒哈溝爲岳七利台吉營盤所居新棚瓦屋四層環以土牆旁有喇麻寺亦用瓦蓋上初幸其居後移駐帳城岳七利者翁牛特部落貴人也又東北行二十里爲坤維火羅又東爲巴顏打巴漢上下約三十餘里嶺下卽翁牛特部落駐牧之地

人海記

卷下

五

其地舊名嬰阿今改名巴顏爾贊平壤一區清流貫其中四面山勢環拱如城郭時八公主下嫁於都倫郡王瓦殿六重工部官爲營建者丙戌八月初八日上送公主親至其地向來圍場所不到也從此望西北行五十餘里爲溪百冲昂阿又西四十餘里爲木克帶道旁有湯泉折而南行十餘里乃折而西又十餘里至汗必力阿打巴漢昂阿去自岔不過三十里矣

裁進士牌坊銀

丙戌九月十四日自獵場回鑾駐波羅火屯內
侍李玉傳 旨問每科舉人進士所給水陸牌
坊銀兩數目余輩回奏云所給銀兩每省數目
多寡不一祇就浙江言之新科舉人例給銀四
十五兩進士於布政司庫領銀一百兩士子均
沾實惠蓋謂 上意恐被有司侵蝕故有此問
也覆奏後復傳 旨云旌表節孝止給牌坊銀
三十兩此項似覺太多遂下部議自後新科進
士著於戶部領銀三十兩永以爲例裁減牌坊
仍行文本省如數扣追

韻府羣玉

韻府羣玉一書元延祐間新吳二陰所集一名
時夫字勁弦一名中夫字復春博學而多聞因
宋王百祿所增書林字類韻會錢諷回溪史韻
等書會粹而附益之洪武正韻初成定爲七十
六韻洪武八年重刻是書一依新定次序而字
下所繫諸字並從陰氏之舊宋景濂有序今世

之所傳者又與明初刻本不同

明月錢

明月錢見洪遵泉志奇品中徐氏曰此錢文曰明月按此錢徑九分重四銖二分制作鏤薄形質簡古外無輪郭背文明徹舊譜所圖與此小異又不載輕重大小計得其名而未之見也云云壬辰正月余偶從慈仁廟中購得十枚與泉志所載形模適合明月二字俱篆文但不知鑄自河代漢以後又無此年號不可考耳

入海記

卷下

叁

玉酒海

內西華門外西南一里許明朝御用監在焉又南數十步爲真武殿庭前有老檜一株下有元時玉酒海承以石牀玉色青碧間以黑章旁刻魚龍海馬出沒波濤狀口面約廣三尺餘隨其質爲凹凸若荷葉然形製古樸膚理溫潤中容四五石許壬辰正月十九日偕雲間高不騫槎客往觀摩抄久之按元史世祖紀至元二年十二月濱山大玉海成敕置廣寒殿輟耕錄云廣

寒殿在萬歲山頂中有小玉殿內設御榻左右
列侍臣坐牀前架黑玉酒甕一車駕歲巡上都
先宴於此燕都遊覽志云今御用監中有小
亭亭內有一玉缸體質頗潤中積水外以朱欄
護之蓋卽廣寒殿中物也

南海淀

南海淀今爲御苑設甲兵守之間遇上元於
此放烟火則縱都人往觀餘不得入

人海記

卷下

七

人海記卷下終

